

Na osnovu odredaba Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15), odredaba Statuta Univerziteta u Sarajevu, prijedloga odluka Nastavno-naučnog vijeća Veterinarskog fakulteta u Sarajevu, te u skladu sa Odlukom Senata Univerziteta u Sarajevu o davanju saglasnosti na raspisivanje konkursa za izbor akademskog osoblja, broj: 0101-4047/15 od 24. 6. 2015. godine, raspisuje se

**K O N K U R S**  
**za izbor akademskog osoblja**

1. Oblast „temeljne nauke veterinarske medicine“ (predmeti: „Anatomija domaćih životinja I“ i „Anatomija domaćih životinja II“), 1 izvršilac, nastavnik u svim zvanjima, puno radno vrijeme.
2. Oblast „preventivne mjere u animalnoj proizvodnji“ (predmet „Veterinarska radiobiologija sa radijacionom higijenom“), 1 izvršilac, nastavnik u svim zvanjima, puno radno vrijeme.
3. Oblast „kliničke nauke veterinarske medicine“ (predmeti: „Patologija domaćih životinja I“ i „Patologija domaćih životinja II“), 1 izvršilac, nastavnik u svim zvanjima, puno radno vrijeme.
4. Oblast „temeljne nauke veterinarske medicine“ (predmeti: „Anatomija domaćih životinja I“ i „Anatomija domaćih životinja II“), 1 izvršilac, saradnik u zvanju višeg asistenta, puno radno vrijeme.

Kandidati trebaju ispunjavati uvjete iz člana 89. Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15) i člana 156. Statuta Univerziteta u Sarajevu.

**Uvjeti za izbor:**

- a) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te mentorstvo najmanje jednom kandidatu za stepen drugog ciklusa studija;
- c) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon stjecanja zvanja vanrednog

profesora, te mentorstvo najmanje po jednom kandidatu za stepen drugog i trećeg ciklusa studija;

d) viši asistent: stepen drugog ciklusa studija (magisterij).

Uz prijavu, kandidati za izbor u jedno od nastavno-naučnih zvanja: docent, vanredni profesor ili redovni profesor, trebaju priložiti dokaze o ispunjavanju uvjeta za izbor u odgovarajuće zvanje, kako slijedi:

1. biografiju (CV) i spisak objavljenih naučnih radova,
2. ovjerenu kopiju diplome ili drugog dokumenta o stečenom naučnom stepenu doktora veterinarskih nauka ili druge odgovarajuće oblasti,
3. listu objavljenih knjiga, udžbenika i naučnih radova kao i same radove,
4. objavljene knjige nakon posljednjeg izbora,
5. kandidati za izbor u zvanje vanrednog ili redovnog profesora prilažu potvrdu o provedenom najmanje jednom izbornom periodu u prethodnom zvanju, odnosno potvrdu da su proveli u nastavi najmanje tri godine nakon posljednjeg izbora ukoliko su ispunili uvjete za izbor u više zvanje prije isteka perioda na koji su birani,
6. kandidati za izbor u zvanje vanrednog profesora ili redovnog profesora prilažu potvrdu o mentorstvu kandidatu drugog i trećeg ciklusa studija, odnosno kandidatu za stjecanje naučnog stepena magistra i doktora nauka (ili tri dodatna naučna rada objavljena u priznatim publikacijama u slučaju da kandidat pri izboru u zvanja, iz objektivnih razloga utvrđenih u članu 159. Statuta Univerziteta u Sarajevu, nije mogao ispuniti uvjet mentorstva za drugi odnosno treći ciklus studija u skladu sa članom 107. stav (2) Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15),
7. dokaz o minimumu pedagoškog obrazovanja ako je kandidat prvi put biran u nastavno-naučno zvanje docenta,
8. ostalu dokumentaciju kojom kandidat dokazuje da ispunjava uvjete za izbor u zvanje docenta, vanrednog profesora ili redovnog profesora u skladu sa članom 89. Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15).

Uz prijavu, kandidati za izbor u nastavno-naučno zvanje višeg asistenta trebaju priložiti dokaze o ispunjavanju uvjeta za izbor, kako slijedi:

1. biografiju (CV),
2. ovjerenu kopiju diplome ili drugog dokumenta o stečenom naučnom stepenu magistra veterinarskih nauka,
3. potvrdu o provedenom jednom izbornom periodu u nastavno-naučnom zvanju asistenta,
4. ostalu dokumentaciju kojom kandidat dokazuje da ispunjava uvjete za izbor u nastavno-naučno zvanje višeg asistenta u skladu sa Zakonom o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15) i Statutom Univerziteta u Sarajevu.

Kandidat koji se prijavljuje na Konkurs za izbor u nastavno-naučno zvanje je obavezan u svojoj prijavi naznačiti jedno od nastavno-naučnih zvanja za koje se prijavljuje. U suprotnom, takva prijava će se smatrati neurednom i neće biti razmatrana.

Sa izabranim kandidatom zaključit će se ugovor o radu sa punim radnim vremenom na period na koji je izabran u skladu sa članom 88. stav (4) Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15).

Dokumenti se dostavljaju u originalu ili u ovjerenj kopiji.

Konkurs ostaje otvoren 15 dana počev od narednog dana od dana objavljivanja.

Nepotpune i neblagovremene prijave neće se uzimati u razmatranje.

Prijave sa dokazima o ispunjavanju uvjeta predviđenih Konkursom dostavljaju se lično ili putem pošte na adresu: Veterinarski fakultet u Sarajevu, Zmaja od Bosne 90, 71000 Sarajevo.

Bliže informacije mogu se dobiti putem br. telefona 033/729-158.